

Date – 28/01/2025

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. Larsap Gen. Rtd Vijay Kumar Singh-an kawngpui chhia chu a hmunah tlawhin, hmasawn theih nan hmalak a tum thu a sawi.**
- 2. MLA Dr K Beichhua an Mizoram châk lakna pui ber kawngpui chu sorkar lai ZPM in a ngaihsak loh chuan Mizoram mipui ten kawngchhiat avangin nasa takin harsatna an tawk dawn a ti.**
- 3. Prime Minister Narendra Modia chuan tum khata inthlan a ruala neih chungchanga inhniaalna awm mek chu ngaihven turin thalaite a chah.**
- 4. Prime Ministerr Narendra Modia chuan vawiinah National Games vawi 38-na chu Dehradun-a Maharana Pratap Stadium ah a hawng dawn.**

<><><>

GOVERNOR

Larsap Gen. Rtd (Dr) Vijay Kumar Singh-an kawngpui chhia chu a hmunah tlawhin, hmasawn theih nan hmalak a tum thu a sawi.

Larsap in a sawm angin nimin khan tlawmngai pawl CYMA, MZP leh MHIP hruaitute a kawm a, Central YMA President Pu Lalhmachhuana leh hruaitu dangte chuan Raj Bhavan ah Mizoram Larsap hi an kawm a, Larsap chuan Mizo khawtlang nunah YMA pawimawhna leh a hnathawh te a lo hriat tawh thu leh Mizoram leh Mizo khawtlang nun siamthat kawnga theihtawp chhuah zel turin Central YMA hruaitute chu a sawm a.

Central YMA hruaitute hian NGO Darpan Portal chungchanga harsatna an neih te siamrem a nih theihna tura hma lak sak turin an ngen a. India Constitution 8th Scheduled a Mizo tawng dah ve a nih theihna tura hma lak pui tur leh hemi chungchanga Prime Minister hnena lehkha an siam chu thehluh sak turin an ngen nghal bawk.

An inkawmnaah hian Mizoram leh state dang inkalpawhna kawngpui tha hlei thei lo chungchang te sawiho a ni bawk a, Larsap hian Mizorama a awm chhunga inkalpawhna kawngpui in hma a sawn theihnana tan lak a tum thu leh a hmunah tlawh a tum thu a sawi a ni.

Nimin vek khan Larsap hi MZP hruaituten hmu in Governor hnenah hian, Free Movement Regime (FMR) leh ramri hung chungchanga MZP ngaihdan an hrih a. Hnam khat, chi khat, unau ramriin a thendarh te insuihkhâwm chu MZP hmathlir a nih mek laia, zalen taka inkalpawhna tih tawp a ni leh ramri hung tumna MZP in a duh loh thu an hrih a. Larsap chu

Union Home Minister Amit Shah hna hema chungchanga MZP lehkhawh thawn tur an hlan a ni.

<><><>

SERCHHIP

National Highway -54 zauh leh cheithat hna thawktu contractor te leh official ten an hnathawh thlirletna leh hmachhawp te sawihoin niman khan Serchhip DC Pu Paul L. Khuma hova meeting neih a ni a,

Meeting hi Serchhip DC Meeting Hall a neih niin Serchhip District huamchhunga National Highway-54 zauh leh cheithat hna package 1, 2 leh 3 a thawktu contractor zawng zawng te Serchhip Bawrsap chuan a ko khawm a. NH-54 cheithat meka an hmalak tawh dante thlir letna hun an hmang a. Review meeting an lo neih thin tawh a an thurel an bawhzui dan te sawiho a ni a. Hnathawh duhthusam lo lai te sawilan niin heng te hi a rang lama siamtha turin DC chuan contractor a hriattir a. Hna la thawh zawh loh te leh kawng khuar leh tlabal, siam that ngai te thlirhoin thawh zawh hun tur mumal taka bituk an ni a. Heng hun bi an siam sakah te hian thawk zo hman ngei tura beisei an nih thu Bawrsap hian thawktute a hrilh a ni.

Meeting ah hian Additional DC Pu Lalrinzuala, SDO (Sadar) Pi F.Lalnissai, SDC Dr C Vanlalchhanhimi leh official dangte bakah NHIDCL hnuatia contractor te an tel a ni.

<><><>

LAD MINISTER

Local Administration Department changtu Minister Pu C.Lalsawivunga'n inthlannaah sawrkar sum a kalral nasat thin avang leh mipuiten an tawrh loh theih dan ber tur ngaihtuahin sawrkar chuan inthlan hun a puang hma a a, hetihlaia High Court-a khin an ni chu vanduaithlak a ti.

He thu hi nimina ZPM Party chung inkhawm a hmanpui na ah sawiin LAD Minister chuan Sawrkar kum thar lo awm turah inthlan pawimawh tak tak pali hmachhawn tur a awm a ti a, August-ah Village Council, September-ah Local Council, November – December-ah LADC, bakah kum 2026 ah AMC inthlan a lo awm leh dawn a ti a, inthlan chu a hautak avang leh sawrkar sum a kalral nasat thin avangin Village Council leh Local Council inthlan chu sawrkarin an sawn hma tih a sawi.

Pu C.Lalsawivunga chuan ZPM sawrkarin Zoram a hriat reng tawh tur a hnutchhiah chho zel a ti a, sum renchem thiam leh a hmanna tur dika hman a pawimawh tih sawiin Sawrkar hmasate hnathawh siamthat ngai leh ennawn ngai tam tak awmte a tul anga hma lain an siam tha chho zel tih a sawi baw.

<><><>

COMT ON FIRE PREVENTION

State level Committee on Fire Prevention chuan kum 2025 atana lo hal ni hnukung atan March ni 15 a ruat a, Lengpui leh a chhehvela lo hal tur te chuan hema ni tlai dar 3 leh chanve hnu lamah chauh hal tan turin an rel baw.

Nimina State level Committee on Fire Prevention thukhawm chuan District zawng zawnga kangmei ven kawnga hmalaknate zirho ni se an ti a, Kangmei ven kawnga mipuite inzirtirna leh chumi atana kawng hrang hranga hmalak dan tur chungchang bakah kangmei ven kawnga ti thate chawimawidan tur an ngaihtuah a ni.

Thutkhawmah hian Kumin Fire Prevention Week thupui atan 'Ram tikang lo tura tan kan lak hian hma hun eng zawk kan insiam a ni "We care for future if we care not to cause fire" tih thupui chu pawm niin hei hi kumin February ni 10 atanga March ni 15 inkara hman turin a rel a, Kangmei ven kawnga hma la tha khua leh District-te hnenah lawmman hlan tura rel niin, henga thlan chhuahte hi pakhatnain cheng sing 5, Pahnihnain cheng sing 3 leh Pathumnain cheng sing 2 dawng tura ruahman a ni.

<><><>

BJP

MLA Dr K Beichhua chuan Mizoram châk lakna pui ber kawngpui chu sorkar lai ZPM in a ngaihsak loh chuan Mizoram mipui ten kawngchhiat avangin nasa takin harsatna an tawk dawn a ti.

BJP Mizoram Karthar Inhlanna leh Political Session, State President Pu Vanlalhmuaka kaihhruaia nimina neihah thu sawiin Dr Beichhua chuan National Highway 06 dinhmun chu Titanic lawnglian nen tehkhinin Titanic khalhtu in a hmalama Vur tlang sut tur a awm thu vawi thum lai an hrilh hnu ah pawh, a ngaihsak ðha duh lova, chhiatna nasa tak a thleng ang khan, Mizoram châk lakna pui ber kawng pawh reilo te ah Vur sut tur awm a, tun ang mai maia ngaihsak a hlawh lo a nih chuan, Vur tlang sut ang tho khan Mizoram mipui ten kawngchhiat avangin nasa takin harsatna an tawk dawn tih Warning an pe duh a, Mizoram mipui te'n harsatna lian zawk kan tawh loh nan an thurawn pek chu awih a, hma la turin an ngen a ni," a ti.

Pu Beichhua chuan Mipui lam pawh ðhal lai a nih vanga ngawi mai mai lovin, fur laia ngaih pawimawh ang aia nasa zawk hialin kawngpui siam ðhat a nih theih nana Sorkar au eih turin a sawm bawk tih a sawi bawk a ni.

He inkhawma tarlan anih danin, VC/LC Election lo awm turah BJP Mizoram chuan Seat 195 a chuh dawn a ni.

<><><>

MNF TREASURER

MNF Treasurer, Pu Lalruatkima chuan ZPM sorkar chuan mipui sorkar ni lo, party sorkar sawngheh an tum avangin inthlan hun pangngai nghak thleng ngam lovin, VC leh LC inthlan chu hnawhsarum takin a puang a ti.

Nimina Mizo Hnam Runa MNF party inkhawmah MNF Treasurer Pu Lalruatkima chuan VC leh LC-te term ding lai ZPM sorkarin thla 6 chuang zetin a pawt tawi a, dan kalha a hun hmaa inthlanna a buatsaih lui tur chu mipui rorelna kalphung zah lohna leh pawngsualna nasa tak a ni a ti a, VC leh LC inthlan-ah Education department hnuaia zirtirtute chu a buai ber tur an ni a, zirna in tam tak inthlan nan hman a ni dawn a, inthlan chu HSLC leh HSSLC exam ðan dawn ðep a nih avangin, zirtirtute leh zirlaite tana boruak dang siam a ni chu ZPM sorkarin zirna a ngaihthahzia tichiangtu a ni a ti a, Sorkar thuneihna hman سوالna pawt tak, zirlaite tawrhna thleng tur pawisak

lohna a nih avangin, VC leh LC inthlanna neih turah mipuiten zirlaite thlavang hauhna lantir nan, MNF Candidate-te hnehna an chantir a ngai a ni a ti bawk.

Voicecast Juliana Lalmuanpuii

Village Council term pawh tawi chungchangah hian High Court chuan Mizoram sawrkar chu January ni 23 hmaa insawifiah tura a hriattir angin Mizoram sawrkar chu a insawifiah tawh a, LAD Department hotute sawi danin ziakin Para Wise Comment an pe a, Mizoram sawrkar an insawifiah hnuah Court hian hemi chungchang hi ala ngaihtuah lo nia hriat a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar hi puan leh a ni ang.

<><><>

PRIME MINISTER

Prime Minister Narendra Modia chuan tum khata inthlan a ruala neih chungchanga inhnialna awm mek chu ngaihven turin thalaite a chah. Nimina National Cadet Corps (NCC) PM Rally, Cariappa Parade Ground-a, New Delhi-a neihah he thu hi sawiin Pu Modia chuan ramchhunga mipui rorelna kalphung atana thil pawimawh tak anih avangin inthlan tum khata neih chungchang sawihonaah hian an ngaihdante sawichhuak ve turin thalaite a ngen a ni.

Pu Modia chuan thalaite chu khawvel siamtha tura chakna hnar an nih htu sawiin hun lo kal tura khawvel awmdan tur hi thalaite tel lo chuan ngaihtuah theih a ni lo.

<><><>

NATIONAL GAMES

Prime Ministerr Narendra Modia chuan vawiinah National Games vawi 38-na chu Dehradun-a Maharana Pratap Stadium ah a hawng dawn. He hunah hian Union Ministers, Indian Olympic Association rampum huap infiammite an tel dawn a. Natnolal Games vawi 38-na hi Uttarakhand-a khawpui pariartah huaihawt a ni dawn a. Thlaleh ni 4 thleng neih a ni ang. Infiamna chi 35 ah inel a ni ang.

<><><>

POLICE SENTENCED TO LIFE

Chandigarh CBI Court chuan Himachal Pradesh Inspector General of Police hlui leh police dang pasarihte chu kum 2017-a pawngsualtua rinhlelh an kuta a thih chungchangah damchhung tang turin a hrem.

Shimla-a Kotkhai-a hmeichhia kum tlinglo pawngsualtu leh thattua puh chu polichte kuta a awm lai hian a thi a. Tun tum hi Himachal Pradesh chanchina hnu chhui tura din Special Investigation Team-te damchhung tang

tura hrem an nih vawikhatna a ni a. Court chuan he thubuaia rihlelh Suraj chu Police kutah a awm laiin kutthlak nasat anih avangin a thi a ti a. Heivang hian Court chuan IGP hlui Zahur Haider Zaidi leh poice dang pasarih te chu damchhung tang tur hian a hrem a ni.

<><><>

UTKARSH ODISHA

Prime Minister Narendra Modia chuan tukin hian Utkarsh Odisha, Make-in-Odisha Conclave a hawng dawn. Odisha khawpui Bhubaneswar-a Janata Maidan-ah hawwna inkhawm hi hman tur a ni a. Tun tum hi Prime Miniter Modia'n tun thla chhunga Odisha a tlawh vawi hnihna tur a ni. Utkarsh Odisha hi khawvel huap sumdawwna lama intawhkhawm Global Investment Summit a ni a. Odisha sawrkar chuan an state chhunga sumdawwna leh sum peipunna lam tihmasawn tura hma a lakna a ni. Hawwna inkhawmah hian Odisha Chief Minister Mohan Charan Majhi, Union Ministers Jual Oram, Dharmendra Pradhan Aswini Baishnaw-te an tel a ni.

<><><>